

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA SANSKI MOST
OPĆINSKI NAČELNIK

Broj:04-11-2955/23

Datum: 02.11. .2023.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 04-11-2955/23 od 30.10.2023. godine, u postupku javne nabavke **Rekonstrukcija ulica Kolonija I i II**, Općinski načelnik donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 04-11-2955/23 od 30.10.2023. godine i ugovor za javnu nabavku „**Rekonstrukcija ulica Kolonija I i II**“, dodjeljuje se ponuđaču **“PRIJEDORPUTEVI” AD Prijedor**, ponuda br. 03-345-68/23 od 12.10.2023. godine, za ponudenu cijenu od 83.944,90 KM bez PDV-a (ukupna cijena sa uračunatim PDV-om iznosi 98.215,53 KM), kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **“PRIJEDORPUTEVI” AD Prijedor**, po proteku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove odluke zadužuje se i ovlašćuje Služba za razvoj, poduzetništvo i resurse.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj:04-11-2955/23 od 01.09.2023. godine .

Javna nabavka je provedena putem otvorenog postupka.

Procijenjena vrijednost javne nabavke je 84.697,00 KM bez PDV-a.

Obavijest o nabavci broj: 305-1-3-51-3-81/23, poslana je na objavu dana 20.09.2023. godine , a objavljena je na Portalu javnih nabavki dana 20.09.2023. godine .

Komisija za javnu nabavku, imenovana Rješenjem broj:04-11-2955/23 od 09.10.2023.godine, dostavila je dana 31.10.2023. godine Zapisnik o ocjeni ponuda, Izvještaj o toku i završetku E-aukcije i Preporuku o izboru najpovoljnijeg ponuđača broj: 04-11-2955/23 od 30.10.2023. godine, u postupku javne nabavke: **Rekonstrukcija ulica Kolonija I i II.**

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri).

- da su blagovremeno zaprimljene 3 (tri) ponude, -da nije bilo neblagovremeno zaprimljenih ponuda.

Komisija za javne nabavke u analizi blagovremeno pristiglih ponuda, te pregledu istih, ustanovila je

-da su 2 (dvije) pristigle ponude prihvatljive,

- da je 1 (jedna) pristigla ponuda nepravilna.

Prihvatljive ponuda prema kriteriju za izbor ponude;

- Najniža cijena, kako slijedi:

| Naziv / ime ponuđača | Ponuđena cijena (bez PDV-a) |
|---------------------------------|-----------------------------|
| 1. "PRIJEDORPUTEVI" AD Prijedor | 83.944,90 KM |
| 2. „DIVEL” d.o.o. Sanski Most | 84.395,60 KM |

Nepravilna ponuda, kako slijedi;

1. Komisija ja stava da je **ponuda grupe ponuđača „UNIJAT-M” d.o.o. Prijedor i „Ganić” d.o.o. Sanski Most** u iznosu od 84.050,00 KM je **nepravilna** iz razloga što nije u skladu sa tenderskom dokumentacijom. Tačnije tenderskom dokumentacijom tačkom 7.4. **Tehnička i profesionalna sposobnost**, u svrhu dokazivanja tehničke i profesionalne sposobnosti (član 51. ZJN) ponuđač je dužan dostaviti;

a) obrazovne i profesionalne kvalifikacije izvođača i osoblja, a posebno osoba koje su odgovorne za izvođenje konkretnih radova koji su vezani za predmet nabavke ; (**dokaz:** izjava kandidata/ponuđača o obrazovnoj i profesionalnoj kvalifikaciji izvođača i osoblja, sa pratećom dokumentacijom za inženjera građevine sa najmanje tri godine iskustva na poslovima slične prirode i inženjera saobraćaja sa najmanje tri godine iskustva na poslovima slične prirode -za oba su potrebne diploma o stručnoj spremi, dokaz iz Porezne uprave da je zaposlenik kod ponuđača ili ugovor o djelu sa gore već navedenim uvjerenjem o radnom iskustvu).

Prema navedenom Grupa ponuđača, ili članovi grupe ponuđača nisu dostavili dokaze za diplomiranog inženjera saobraćaja, odnosno nije dostavljeno uvjerenje o radnom iskustvu. Iz priloženih ugovora o saradnji/djelu zaključenih između d.o.o. “Ganić” i Kojić Borislava, dipl. ing. saobraćaja nije vidljivo da je isti obavljao konkretne poslove tražene ovom javnom nabavkom, ili poslove slične prirode.

U skladu sa tačkom 9. Tenderske dokumentacije, zakazana je i provedena e-aukcija u sistemu e-nabavke u skladu sa Pravilnikom o uslovima i načinu korištenja e-aukcije ("Službeni glasnik BiH", broj 66/16). E-aukcija je zakazana dana 20.10.2023. godine u 07:55:26 sati sa terminom održavanja 23.10.2023. godine sa vremenom početka u 11:00:00 i predviđenim trajanjem e-aukcije od 10 minuta.

Nakon okončane e-aukcije koja je trajala u vremenskom periodu od 23.10.2023. godine od 11:00:00 do 23.10.2023. godine do 11:10:00 sati, a u skladu sa Izvještajem o toku i završetku E-aukcije, Komisija je konstatovala **da nije došlo do promjene cijene u odnosu na početne**, te je utvrdila konačnu rang listu ponuđača kako slijedi:

| Naziv / ime ponuđača | Ponuđena cijena (bez PDV-a) |
|---------------------------------|-----------------------------|
| 1. "PRIJEDORPUTEVI" AD Prijedor | 83.944,90 KM |
| 2. „DIVEL” d.o.o. Sanski Most | 84.395,60 KM |

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene ponude.

Izabrani ponuđač "PRIJEDORPUTEVI" AD Prijedor, ponuda br. 03-345-68/23 od 12.10.2023. godine, izabran je primjenjujući kriterij najniže cijene, koja je ponuđena u iznosu od 83.944,90 KM bez PDV-a (ukupna cijena sa uračunatim PDV-om iznosi 98.215,53 KM).

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.

Dostaviti:

1. "PRIJEDORPUTEVI" AD Prijedor
27. juna 17, 79101 Prijedor
2. "Divel" d.o.o. Sanski Most
Krkojevci bb, 79260 Sanski Most
3. „UNIJAT-M" d.o.o. Prijedor
Majora Milana Tepića bb, 79101 Prijedor
4. Službi 02
5. u dosije
6. a/a



OPĆINSKI NAČELNIK

Faris Hasanbegović, prof.